

294

JUSTA FUNEBRIA  
 VIRO  
 SPECTATISS. ET CONSULTISSIMO  
 DOMINO  
**CHRISTIANO  
 GOLDINGIO,**

Reipubl. Thoruniens. Juris Practico & Civi  
 florentissimo,

*D. 29. Julii, An. 1706. placide & pie defuncto,  
 & Dom. IX. Trin. h. e. a. d. i. Augusti decenti  
 solemnitate in Aede Mariana humato,*

CONDOLENTIBUS PROFESS. THORUNIENSIBUS  
 SOLUTA.

---

THORUNII,

Excudebat Johannes Conradus Rügerus, Nobiliss. Senatüs & Gymnasii  
 Typographus.

lll





Ex occasione prodigii, quod d. 28. Julii ante V. mat.  
An. 1796. accidit.

**Q**uid mors est? Tonitru: Tonitru? exhalatio sicca  
E gravido terræ lecta vapore gravis. (a)  
Est tonitru terebrans, est discutiens & adurens. (b)  
Eqvè DEI summi nubibus illud adest. (c)  
Nam cum mortales ingentia crimina patrant,  
Atqvè DEI quidquam verba valere negant.  
Tum DEUS è cælo tonat, & fera fulmina mittit,  
Ira quo pœnas indicet esse suæ.  
Attamen in justa DEUS ira sæpe benignus  
Non vult interitum, nec mala fata soli.  
Si quoties peccant homines, sua fulmina mittat  
Juppiter, exiguo tempore inermis erit:  
Sic olim vani & cæci dixere Poëtæ.  
Nos aliis verbis reddere verba quimus.  
Si quoties peccant homines, non fulmina mittit,  
Sed bonitate DEUS protegit ipse suos.  
Ast ubi criminibus cumulantur crimina terra.  
Longævo nunquam tempore inermis erit.  
De tonitru satis est. Mors imperiosa periti  
Goldingi telo corpora sana ferit.  
Goldingus duro non ævo fractus & annis  
Vivere qui totum Nestora dignus erat.  
Immo expers crucis, ac expers sine fine malorum  
Deiphobes longos exuperare dies:

Ille

Ille jacet Candor, Comusqvè, Leposqvè, Jocusqvè  
Cumqvè Cupidinibus pluribus alma Venus.  
Ille jacet Themidos justæ, Veriqvè Patronus,  
Atqvè misellorum porta patensqvè domus.  
Ille jacet veræ fidei puræqvè Minister,  
Ille jacet nostri portio chara soli.  
Sic icctus Golding maturæ fulmine mortis,  
Lætatur supera vivus in arce poli.  
Deridet vani prægrandia fulmina belli,  
Ex pelvi brutum fulgur ea esse putat.  
Sed Viduam, Natas, & Amicos sanguine junctos  
Incolumes præstet dextera chara DEI.

In honorem & memoriam  
piè Defuncti f.

M. MARTINUS Böhlm.


(a) Aristoteles L. II. Meteor. c. 9.

(b) Magirus Lib. IV. Phys. c. 4.

(c) LXX. Pl. 29. v. 3. reddiderunt: ὁ Κρατὴρ τῆς θεῆς ἰσχυρῶς.

**A**ccidit in puncto, quod non speratur in anno:  
Sic dicitur proverbio.  
Namque solent fieri sat multa sub æthere sæpe,  
Quæ nemo speravit fore.  
Hic surgunt, alibi subsidunt culmina montis.  
Hic fons scatet, alibi fugit.  
Accendit chalybem momento fulguris æstus,  
Resti trabique non nocet.  
Excelsæ rapido feriuntur fulmine turres,  
Salvæ manent humiles casæ.  
Mors quandoque rapit juvenes validosque cruenta,  
Parcit senibus & langvidis.  
Sed cum nulla fides dictis nisi clara loquantur  
Exempla testium loco:

Ma-





Sup Magnus adest horum numerus, *Goldingius* autem  
Sit unus instar omnium.

Paucos ante dies firmo qui corpore nondum  
De morte cogitaverat;

Exeqvias verum *Deutschmanno* ritè pararat,  
Is ipse mortis iter adit.

Dum curæ cessant liventes undiqve, cura  
Funesta Conjugem premit.

Ille novi veterisque peritus juris abunde  
Exceptiones calluit:

Qveis acer defensor, Patronusqve suorum  
Fuit clientum sedulus.

Profuit hic multis, sibi sed prodesse nequivit  
In proprio discrimine.

Non valuit contra mortem defendere sese:  
Nescivit excipere forum:

Nec concessa fuit justæ dilatio pœnz,  
Nec ulla provocatio.

Attramen haud illum causâ cecidisse putemus,  
Licet loqui nesciverit.

Salvator mundi quoniam defendit Eundem  
Suo redemptum sanguine.

Qui mortem passum traxit super astra, beatos  
Ut vivat inter Angelos.

Felix, qui poterit tacitus sic dicere causam,  
Pœnas perennes ne luat.

*Longue ser.*

M. MARTINUS BETLEFFIUS.

